

1. Жалпы ережелер

1.1. Осы Жарғы бұдан әрі мәтін бойынша «Бірлестік» деп аталатын коммерциялық емес ұйым қызметін реттейді:

ұйымдық-құқықтық нысан бойынша қоғамдық бірлестік болады;

Қазақстан Республикасының Конституциясына, Қазақстан Республикасының Азаматтық кодексіне, «Қоғамдық бірлестіктер туралы» Қазақстан Республикасының 1996 жылғы 31 мамырдағы № 3 Заңына, «Авторлық және сабақтас құқықтар туралы» Қазақстан Республикасының 1996 жылғы 10 маусымдағы № 6 заңына (бұдан әрі – Заң), Қазақстан Республикасының басқа заңнамалық актілеріне сәйкес Қазақстан Республикасының азаматтарының тобы – авторлық құқықтар және сабақтас құқықтар иеленушілердің бастамасымен құрылған және осы Жарғымен берілген өкілеттіктер негізінде еркінділік, тең құқылы мүшелелік, өзін-өзі басқару, заңдылық, есептедік және қызметтің жария болуы негізінде әрекет етеді.

1.2. Бірлестіктің фирмалық атауы бар:

Қазақ тілінде: «ADAL» авторлық және сабақтас құқықтарды ұжымдық басқару» Республикалық қоғамдық бірлестігі (толық), «ADAL» АСҚҰБ РҚБ (қысқаша);

Орыс тілінде: Республиканское общественное объединение «Коллективное управление авторскими и смежными правами «ADAL» (толық), РОО «КУАСП «ADAL» (қысқаша),

1.3. Бірлестіктің орналасқан жері (тұрақты әрекет ететін басқарушы органның орналасқан жері): Қазақстан Республикасы, 050010, Алматы қаласы, Медеу ауданы, Бөгенбай батыр көшесі, үй 86/47.

1.4. Бірлестік Қазақстан Республикасының заңнамасы бойынша тіркеу мезетінен бастап заңды тұлға болып табылады, Қазақстан Республикасының банктерінде есеп айырысу және валюталық шоттары, мемлекеттік және орыс тілдерінде өзінің фирмалық атауымен дөңгелек мөрі, мөртабандары, бланкілері болады, өз атынан мүліктік құқықтарды сатып, міндеттер арта алады, сотта талапкер мен жауапкер бола алады.

1.5. Бірлестік Қазақстан Республикасының қолданыстағы заңнамасына сәйкес өз қызметін жүзеге асыру кезінде шаруашылық дербестілікті иеленеді, оған тиесілі мүліктің, сондай-ақ оның өз қызметінің нәтижесінде сатып алған немесе алған ақша қаражатының меншік иесі болып, өз бетімен иелік ете алады.

1.6. Бірлестік Республикалық мәртебені иеленіп, өз қызметін Қазақстан Республикасының бүкіл аумағына қолданады.

1.7. Бірлестік халықаралық қоғамдық бірлестіктерге кіре, халықаралық байланыстар мен қатынастарды қолдай, тиісті келісімдерді жасай алады.

1.8. Бірлестік коммерциялық қызметпен айналысуға, сондай-ақ ұжымдық негізде басқару үшін алынған шығармалар мен сабақтас құқықтар нысандарын пайдалануды жүзеге асыруға құқылы емес.

2. Бірлестік қызметінің мәні мен мақсаттары

2.1. Бірлестік қызметінің мәні ғылым, әдебиет пен өнер шығармаларының авторларының, орындаушылардың, фонограмма жасаушылардың немесе авторлық және сабақтас құқықтарды өзге иеленушілердің мүліктік құқықтарын қорғау, Қазақстан Республикасының аумағында және шетелде олардың авторлық және сабақтас құқықтарын жүзеге асыру және қамтамасыз ету болып табылады.

2.2. Қолданыстағы заңнама аясында Бірлестіктің негізгі мақсаттары:

1) ғылым, әдебиет пен өнер шығармаларының авторларының, орындаушылардың, фонограмма жасаушылардың немесе Қазақстан Республикасының аумағында және шетелде мүліктік авторлық және сабақтас құқықтарды өзге иеленушілердің мүліктік құқықтарын ұжымдық басқару;

2) жеке негізде мүліктік авторлық және сабақтас құқықтарды табыстауға Бірлестіктің мүшелеріне жәрдемдесу;

3) мемлекеттік және қоғамдық органдар мен ұйымдарда Бірлестіктің мүшелерінің заңды мүдделеріне өкілдік ету болып табылады.